

اداره مخصوصه
درسعادته ياب على جاده سنده

محل اداره :

مُشَارِقَةُ الْقُرُونِ

اخطار :

مسلكنزه موافق آثار جديده مع المنوئيه
قبول اولنور
درج ايديلهين آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بردفعه نشر اولنور.

مؤسلى : ابوالعلا زين العابدين - ح . اشرف اديب

درسعادته نسخه سى ۵۰ پاره در

قيرله دن مقوا بورو ايله كوندريليسه سنوى
۲۰ غروش فضله آلير

تاريخ تاسيسى

۱۰ تموز ۳۲۴

سنه لى

۸۰ ۴۰

ولاياتده

۸۰ ۴۰

ممالك اجنبیه ده

درسعادته پوسته ايله كوندريليسه ولايات بدلى اخذ اولنور

عدد : ۵۰

۳ شعبان ۳۲۷ پنجشنبه ۶ اغستوس ۳۲۵

ايكنجى جلد

ظن اولنورسده تلغراف و تلفون ، تلسز تلغراف کبی وسائط ایله عمل اولنوب اولنیه جفته شمدی به قدر فقها سکوت ایتشدر . فقط شومذ کورات ایله عمل دخی قواعد فقهیه دن استخراج اولنور . فقره سی ایله ۸۱ نجی سطر دن آخر مقاله به قدر اولان فقرات متوالیه کافه مدعیات متجاسرانه بی محتوی بولنور . زیرا کتب مصنفه مفهوه . ملری بالاتفاق معتبر اولمغله کتب مذاهبده سوزلرینه اعتماد اولنان فقهانک ثبوت هلال موجبات شرعیه معلومه سی حصراً بیانلرندن ، بوبابده ماعداسی ایله عمل اولنیه جفی مستبان اولمغدهدر .

کرامات انسیه وقوای قدسیه مظاهری وقرون خیریه ارلری اولان ائمه مجتهدین افندیلریمز ، خلقت عالمدن بری ظهور ایدن وقایعی وقیامته قدر تحدث ایده جک حوادثی ونشأت اخری احوالی بیانه کافی کتاب اللهدن ولایظهر علی غیبه الامن ارتضی رازپنهانه مظهر حبیب خدا احادیث شریفه سندن قرون اجتهاددن صکره حادث اوله جق شئوناته متعلق احکام شرعیه بی ده استنباط ایتشدر ایسه ده احکام مذکوره مشارالیه حضراتنک اقوالندن عباره و اشاره ودالات واقضاء طریقلرندن بری ایله منضم اولمغله ، هرکس نقابنی فتحه قادراولموب بلکه اختصاص فقهی بی حائز بولنان متبحرین علماء واصل دریای مآلی اولورلر . ۱۲۴۰ تاریخنده واقع « واقعه شام » مجتهدیندن دکل ایسه ده عصرنده میدان فقهده قصب سببی احراز ایدن محمد بن عابدین حضرتلرینه « تنبیه الغافل والوسنان » نامنده بررساله ترتینه سبیت ویرمش و بوسیله ایله هلاله دایر بتون احکام فقهیه بی مأخذندن حسن فهم ونقل ایتش اولمغله ۱۲۰۶ ده ایجاد اولوب مشسار الیه عصرنده موجود بولنان تلغراف وسائر ایله بوبابده عمل اولنیه جفی ائمه اربعه کلاملرندن اکلایه رق اهله معلوم اشارتله تلمیح ایتشدر . زیرا سببک خصوصی لفظک عمومیه مانع دکادر .

اشباه محشیسی حموی ، مصنفی ابن نجیم رحمه الله فوائده زینیه . سندن نقلاً [علم اصولده . بین صرف قواعد وضوابط کلیه دن افتاء حلال دکادر . هان انجق مفتی اوزره فقهای کرامک تصریح ایتشکری کبی نقل صریحی حکایه واجب اولور] دیش . وقع القدر صاحب ابن الهمام کتباب ادب القاضی ده وسائر فحولین دخی آثار معتبره لرنده بوقیل بیانات صریحه ایله زمانلری وزمانمز وظیفه لرینی تحدید ایتشدر ایکن صاحب مقاله اجتهاد ایدرجه سینه مفتیسارینک افتا صدندن بولندیغمز مسئله به افرادندن اولمادینی حالده [حلال ایله حرام اجتماع ایتدکده حرام تغلب اولنور] قاعده کلیه سینه تطبیق ایتش و اخبار تلغرافی وامثالنک موجب صوم وفطر اولمسی لزومنه قائل اولمشدر .

اشارت اولندینی وجه اوزره قاعده مذکوره مسئله مباحوث عنایه شامل اوله ماز . زیرا قاعده مزبورنک مفادی [وقت واحده محل واحده مبیح ایله محرم جمع اولمغده محرم ترجیح اولنور] دیمکدن عبارتدر . جاریه مشترکده احد شریکینک وطی ومقدماتندن

ایسه طریق تصوف کبی علت غاییه سی جناب خالقه عبودیت وخلق ایله حسن معاشرتدن عبارت بولنان برمسلاک نزیه نزدنده نه قدر منفور اولدیغنی عرض و بیانه حاجت وارمی ؟

بر وقتدنبیری مارالذکر جبل کرم مل اتکنده واقع « حیفسا » قصبه سیله انک جنوبه طوغری بش اون دقیقه اوتسندده المان مهاجرلرینک تشکیل ایتش اولدقلری قریه بی کورمک آرزو ایدبور ایدک . برکون قالدق ، عکا ایله حیف ارسنده قویک ساحلنجه کیدن لطیف بر قومسالدن ، مهاجرین مذکوره طرفندن ایشله دیلن و « Carosse » دن معرب اوله رق [کروسه] اطلاق اولنان یایی بر عربیه راکباً قصبه مذکوره به عزیمت و اوچ ساعتده مواصلت ایلدک . بری [نعمین] اسمنده عکا جوارنده ودیکری [مقطع] نامنده حیفایه قریب اوله رق قویه ایکی نهر دوکیلور . مقطع ، موسم شتاتک اواسطندن بهار وقته قدر بهرسنه طغیان ایدر وبوئشاده کچیدویرمدیکی پک چوق اولور . طغیان زمانلرنده انسان وجوانجه برخیلی تلفات وضایماتی موجب اولورایدی . بونک اوکنی المی ایچون اخیراً هجرت نبویه نک ۱۳۱۰ سنه سنده نهر مذکور اوزرینه بر اخشاب کوپری انشا ایدلمشدر .

حیفایه قصبه سی کندی نامنه منسوب قضانک قائم مقاملق مرکزی و ۱۷ بیکدن متجاوز نفوسی محتویدر . خانه لری کارگیر ، زقاقلری طار واکری بوکریدر . کلیتی اخراجات وادخالاتی اولوب بورانک دخی عکا کبی تجارتجه اهمیت وایام شتاده پوسته واپوریه یلکن سفائی یارینه بیله جک برلیمانی وازدر . اسکله سی بولندیغمندن یولجیلره امتعه تجارتیه نک نقلنجه پک صعوبت چکلمکده ایدی . بزدن صکره اوراده اوتوز متره طولنده واون التی متره عرضنده تیموردن جسم براسکله

برکت زاده اسماعیل حق

بقیه سی وار

مباحثات :

هلاله دائر

صراط مستقیمک قرق یدنجی نسخه سنده هلاله عائد مباحثیه متدائر مقاله مخصوصه نک اکثر مندرجاتی عاجزلرنجه جای تدقیق وتنقید کوریلهرک نقاط مذکوره بروجه زیر قید و اشارت اولمش وعلما وفقهای کرامنک بوبابده کی تدقیقات موشکافانه لرندن افراد امتک خبردار ایدلمسی تمیایله تشریحات آتیه فضلالی مشارالیه مک انظار حقایق دائر حکمانه لرینه عرض وتقدیم ایدلمشدر . الله ولی التوفیق وبیده ازمة التحقیق .

مقاله مزبورنک ۱۹ نجی سطرندن بداء (تلغراف ۱۲۰۶ ده ایجاد اولنوب ۱۲۴۰ تاریخنده وقوعه کلان واقعه مسئله بی حله کافی

برایه تصرفی جائز اولدینی کبی . زیرا هرایی شریک حقنده ملکی اعتباریله میسج و شریکنک ملکی اعتباریله محرم جمع اولمش ، محرم جانبی ترجیح اولمشدر . و بوکا مماثل دها نیجه مسائل جزئییه قاعده مزبورهیه تفرع ایدر . بنابرین آخر شعبانده و یا آخر رمضانده هلال رمضان و یا هلال شوال بالرؤیه ثبوت بولوب حکم شرعی لاحق اولان بربلده دن لما نفع رؤیت هلال ، بولمیشان بر بلدهیه تلغراف و یا تلفون تاسر تلغراف ایله اخبار کیفیت ایدلکده وسائط مزبوره نك آخر شعبانده موجب صوم و محرم افطار و آخر رمضانده موجب فطر و محرم صوم اولدینک سائر موجبات شرعییه کبی ادله اربعه دن بریله ثبوتی فرض اولمسه بیله صورت اولاده اصلا میسج افطار بولمیه رق افطاری محرم دلیل و صورت ثانیه ده قطعاً میسج صوم بولمیه رق صومی محرم دلیل تحقق ایتمکله بومسئله قاعده مزبوره متفرعاتندن اولماز . حالبوکه وسائط مذکوره نك هرایی صورتده ادله اربعه دن بریله مثبت موجبات شرعییه دن اولمادینی آشکاردر . بلکه بوبابده وسائط مذکوره ایله عمل کتاب و سنت و اجماع است و قیاس فقهایه مخالفدر .

کتاب ایله سنته مخالفتی : حق سبحانه و تعالی حضرت تترینک [فن شهد منکم الشهر فلیصمه] قول جایی ایله رسول الله صلی الله علیه و سلم افندیمزک صحیح بخاریده [لا تصوموا حتی تروا الهلال ولا تقطروا حتی تروه فان غم علیکم فاقذروا له] حدیث شریفی عقینده مسطورینه بخاریده [الشهر تسع وعشرون لیلة فلا تصوموا حتی تروه فان غم علیکم فاکملوا العدة ثانی] حدیث شریفی در . وجوب صوم و افطارده شرط هوا آجیق ایسه هلالی رؤیت و مغیم ایسه یعنی رؤیت هلال ممکن اولمازسه تکمیل ثانیته اعتبار اولدینغه عبارة منیفه لری ایله دلالت ایتمکده و اشارت شریفه لرندن دخی وسائط مذکوره نك موجب صوم و فطر اولدینی مستبان اولمقده در .

اجماع امته مخالفتی : ائمه اربعه نك ظاهر مذهب لری بیلدر بر ثقات منتسبینه مخصوص کتابلره مراجعت ایله معلوم اولور . مشار الیهیم حضراتندن هیچ بری مذاهب مختلفه لرینه کوره موجبات صوم و فطری تعیین ائناسنده وسائط مذکوره نك موجب صوم و فطر اولمسنه ذاهب اولماشدر . بوضوئیه امت محمد - مجتهدین - عصرلردن برعسره بر مسئله ده اقوال مختلفه اوزره اختلاف ایتدکلی وقتده اختلاف مذکور ائمه مشار الیهیم طرفندن اقوال مزبوره نك ماعداسی باطل اولدینغه اجماع دیمک اولوب متأخریندن برذاتک اقوال معینه مزبوره دن ماعدا بر قول احداثه مساع شرعی بولمیدینی کتب اصو- لیده مقرردر . بنابرین ثبوت هلال صوم و فطرده وسائط مذکوره ایله عمل اجماع امته مخالف اولور .

قیاس فقهایه مخالفتی : علم اصول فقهنده مسطور [قیاس نصوص شرعییه دن هیچ بر نص شرعییه مخالف اولمیان ماده لرده جاریدر .] قاعده مرعیه سنه مبنی شهادت شرعییه زعم اولنان علت مطرده نك بو وسائطه دخی تحقیقه بناء بونلرک موجب صوم و فطر اولمسی

شهادت شرعییه قیاس باطل و واهیدر . زیرا اشبو قیاسک ادله ثلثیه مخالفتی قریباً مرور ایتشدر .

ادله ایله اثبات مدعا ایتدیکمزدن عاجزلرینک ده دعوا ی اجتهاده قیامی توهم اولمسون . زیرا مجتهد دیمکدن عبارت اولان فقیه هر بر حکم شرعی فرعی یی دلیلندن استنباطه ملکه راسخه سی اولان ذات ستوده صفاتدر . مقلدک بعض احکام شرعییه یی ادله سندن بیلمسی جائزدر . نصل بوادعاده بولنه بیلیرزکه علم فقهنده قدم راسخی بولنان ابن نجیم و ابن امیر حاج و سائر مشاهیر فقها [خیر القرون قرنی ثم الذین یلونهم] حدیث شریفی اسرارینه واقف اوله رق هجرة نبویه دن درت یوزسنه صکره باب اجتهاد و قیاسک انقطاع و انسدادینه ذاهب اولمشدردر .

۵۷. نجی سطرندن بداء [مشار الیهجه مختار اولان اقوال فتوی صورتنده تصویر اوله رق صراط مستقیمک قرق دردننجی نسخه سنده درج ایدلدیکنندن] سوزی طبقات فقهایه عدم اطلاع و مقالة سالفه مزده کی فتاوا زیرنده بولنان تقول فقهییه یی عدم تدقیق شو اثنی احساس ایلمکده در . زیرا مشار الیه ابن عابدین حضرت لری اصحاب ترجیحدن دکدر . وظیفه مقدسه سی کلام فقهای حسن فهم و نقلدن عبارتدر . و نقول مبسوطه مزدن ارباب درایته منجلی اولدینی اوزره فتاوی مزبوره ائمه حنفیه نك ظاهر مذهب لری اوزره تصویر اولمشدر .

۶۲. نجی سطرندن ۸۰ نجی سطرنه وارنجهیه قدر سوزلری ، کندیخی اصحاب ترجیحدن بلکه مجتهدیندن عایدک قول ضعیفی ترجیح و ایشاردن عبارتدر . چونکه فتاوی مشروحه ارباب وقوفه معلوم اولدینی اوزره کتب فقهنده مسطور رسم المفق سرلوحه لی بند مخصوصده مبین اصول متخذهیه موافق صورتده تحریر ایدلمش ائمه حنفیه نك اقوال معتبره و راجحه سیدر . صاحب مقاله نك اختیار ایلدیکی قول ایسه صاحب الاشباهک بعض اصحاب ابی حنفیه دن نقلاً [بوبابده اقوال منجمینه اعتماد اولنمقده بر بآس یوقدر] قول ضعیفدر .

بو قول قیه ده معتزله دن قاضی عبد الحیار همدانی ایله صاحب جمع العلومدن دخی نقل اولمش ایسه ده جمله روایت نادره اولوب صاحب مذهبیدن صدور ی متیقن دکدر .

قالدیکه ابن مقاتل حضرت تترینک بوبابده منجمینه سؤال ر بونلردن برجاعت بر نقطه ده اتفاق ایدر لر ایسه سوزلرینه اعتماد ایدله جکنه دائر اولان روایتی اجله فقها دن شمس الائمة السرخسی من اتی کاهناً او منجماً . . . حدیث شریفک ظاهر عمومی ایله رد ایلمشدر .

هر نه قدر اشباه محشیلرندن بعضیلری : [حدیث مذکور دن مراد علم الاحکامدن نهی در . مواقیت صلاة و قبله کندی ایله بیسنه جک قدر علم نجومی تعلمک جوازینه دلالت ایدر دلیل شرعی ایله امر اهلهیه تعلق ایدن علم حساب و نجوم حدیث مذکور مندرجاتندن مخصص و مستثنی در .] مآلنده اداره کلام و اعتراض ایتمش ایسه لرده دلیل شرعی مذکور انجق صلاة و قبله حقنده علم نجومی تعلم و انکله

ایله ناسه امر و تکلیف ایدر . حسابات نجومیه و تلغراف و تلفون و تلسز تلغرافی ایسه انسانلردن افراد قایلدهن ماعداسی بیلمدیکی جهته ثبوت هلالده حسابات نجومیه و وسائط مذکوره ایله عمل ایتلرینه دائر شاید شارع طرفندن بنی آدم مأمور و مکلف اولسهر ایدی عموم اهالییه بو تکلیف آغیر کلیدی . [یریدالله بکم الیسر ولایرید بکم العسر] نظم جیلندن مفهوم اولدینی اوزره الله تعالی مکلفینه دائماً یسر مراد ایدوب عسری مراد ایتمز . بوجهته بوبابده حسابات نجومیه و وسائط مذکوره ایله حضرت شارع بزمعاشر مکلفینه تکلیف ایتماشدر . اوامرالهییه تمیلیده اولیوب تعبیده قیلندن اولقله شارع حضر تلرندن مأمور اولدیغمز وجه اوزره امتثال اوامر ایتکلکمز رضای شارعی عکسی ایسه سیخط شارعی موجبدر .

کذلک بوبابده حسابات نجومیه و وسائط مذکوره ایله عمل کتب فقهیهده فقهاء کرامک آخر رجیده هلال شعبانی و آخر شعبانده هلال رمضان التماس و تحریک امت محمد اوزره واجب علی الکفایه اولدیغنه متعلق تصریحلرینی واهی و مهجور حکمنده قلمق دیمکدر . چونکه ثبوت هلالده حسابات نجومیه و نظائر مذکوره سی عملک ولو وقت ضرورتنده اولسون جوازی عوام استماع ایدنجه تحری هلالدن تکاسل ایده جکری آشکاردر . شو حالده عمل مذکورک جوازینه قول بتون امت محمدی واجب علی الکفایه ترک مهاکة مؤتمه سنه القادیمک اوله جفندن بر وجهله ثبوت هلالده حسابات نجومیه و امثالی ایله عمل جائز دکلدر .

نتیجه مرام : حسابات نجومیه امور تخمینیه دن اولدینی کی تلغراف و تلفون ، تلسز تلغراف غائب و غائب اولدینی کی شخص مجهولک قومانده سنه تابع بر جاد قیلندن بولندیغنه مبنی مظهر تکریم الهی اولان انسانلرک قوت شهادت لرینی احراز ایده مامکله ثبوت هلالده شکدن ماعداد برشی افاده ایتمز . کتب فقهیهده بیان اولنان ثبوت هلال موجبات شرعیة معلومه سنندن بری بولندیغنه آخر شعبانده شهر شعبانک و کذلک آخر رمضانده شهر رمضانک بقاسی یقیناً معلومدر . بو یقیندن عدول اولنمز . انحق بر دلیل شرعی ایله عدول اولنور . حالبوکه بویله بر دلیل بولنماشدر .

[شک ایله یقین زائل اولماز] قاعده فقهیه سنه مبنی شکوک و اوهامدن خالی قالمیان حسابات نجومیه و وسائط مذکوره ایله بو نایده عمل اولنمجهنی کمال انکشاف ایله منکشف وائمه حنیفه نک ظاهر مذهبلرینه کوره تحریر اولنان فتاوی عاجزانه عین شریعت رحمانیه و موافق حکمت سبحانیه اولدینی منجلی اولور — الله اعلم .

مدرس احمد وهبی

بولوادی

صراط مستقیم — مباحثات قسمی بر فکرک له وعلینده بیان اولونه حق مطالعاته متساویاً کشاده در . بویله اختلافی مسئله لر ایچون هر ایکی طرفک مطالعه لرینی بر آره بطولایه رق اسباب حلی تسهیل ایلک رساله جه موافق کورلمکده در . رساله نامنه مباحثه اشتراک اولنمائی ارباب اختصاصک بر قاچ ذاتن عبارت اولایوب سائر فقها و علمای محترمه جانلرندن اشتراک ایدیه جکنه دائر اولان اعتماده مبتنی در . شبهه سزدرکه بومشله لک له وعلیه مطالعات در میانیه خلنه غیرت ایدن ارباب جهد و اقدام شایسته تقدیر بر خدمت مبروره ایفا ایتش اولیورلر .

عملی حدیث مذکور عمومندن اخراج ایدر . اما صوم حقیقده علم نجوم ایله عمل حدیث مذکورک ظاهر عمومی تحتنده باقی قالیر . صوم حقیقده علم نجوم ایله عمل دخی حدیث مذکور حکمنندن اخراج ایدلک عمومی تخصیص ایدر آیروجه بر دلیل شرعی بولنقله اولور . حالبوکه بویله بر دلیل تحقق ایتماشدر .

[بنم اتم ضلالتده اجتماع ایتمز] مأانده اولان حدیث شریفی منجمیندن جماعت متفقنک بر نقطهده اتفاقلرینک هلال صوم و فطری تعیینده موجب شرعی اولدیغنه دلالت ایتمز . زیرا امت کله سنک رسولمز اقدس مزدن عبارت یاه متکلمه اضافتی عهد خارجی عالمی ایچون اولوب امتدن مراد ، مجتهدین عظام افندیلریمز اولدینی کتب اصولیه و فروعیه دن مواضع عیددهده مصر حدر .

منجمینه شامل کل امت و یا جنس امت دکلدر . محشی مؤمی الیهک توجیه و اعتراض مذکور ی مسلم اولسه شمس الائمة السرخسی نک مدعای اولان [اقوال منجمینه اعتماد یوقدر .] حکم فقهیه سنک منقوضیتی مسلم دکلدر . زیرا دلیل مخصوصک انتقاضندن مدلولک انتقاضی لازم کلز .

مدلول مزبور ایچون دلیل آخر بولنسی جائز اولدیغندن بو مقامده مدعای مزبوری اثبات ایدر دلیل آخر وارددر . اوده ثبوت هلالده علمی اعتباره دکل رؤیتی اعتباره دلالت ایدر حدیث شریفلردر . زیرا صلی الله علیه وسلم اقدمز « صوموا لرؤیته و افطروا لرؤیته فان غم علیکم فاکملوا العدة » بیوروب « فان غم علیکم فاستلوا اهل الحساب » بیور مامشدر . بلکه (نحن امة امیه لانکتب و لانحسب) بیور مشدر . و محقق ابن حجر [منجمین امر هلالده حسابلرینک مقدماتی قطعی اولدیغنه اتفاق ایدوب و آنلردن قطعیاتی اخبار ایدن کسان . عدد تواتر اولورسه سوزلری ایله عمل اولنور . و حق حساب مزبوره مخالف شهادت بیله رد اولنور .] دیمش ایسهده لکن علامه ابن قاسم بوکا اعتراض ایدرک [عدد تواتره بالغ اولان مخبرینک اخباری همان انحق امر محسوسدن اولدینی وقنده قطع و یقینی افاده ایدر . ایدمی تواترک یقین افاده ایتسی مقدمات نجومیه نک حسیه اولسنه وابسته در . حالبوکه مقدمات مذکوره حسیه اولیوب بلکه

حواس خمس ظاهره دن بریله ادراک اولنمیان امور عقلیه قیلندندر . امر عقلی ایسه تواتر ایله ثابت اولمیان موادنددر . زیرا امر عقلی جمع غفیرک کنسیدسنده خطا ایتدیکی شیدلردن در . قدم عالمده فلاسفه نک خطا ایتدکلری کی . اگر امر عقلی تواتر ایله ثابت اولان شیلردن اولسیدی مخبرینک اسلامیتی تواترک شرطندن اولمادیکی جهتهله کافرین ایسه لرده جمهور فلاسفه نک قدم عالمه اتفاقلری ثابت اولدیغیچون قدم عالمه نفس الامرده ثبوتی لازم کلوردی . حالبوکه قدم عالم باطلدر . اوله ایسه امر عقلینک تواتر ایله ثابت مواددن اولسیده باطلدر . بناء علی ذلک مقدمات حسابیه و نجومیه دخی معقولات قیلندندر . تواتری یقینی مفید اولیوب بلکه امور تخمینیه و حسانیه در . تعیین مبدأ صیام و فطرده معقول به دکلدر . [کلام مدققانه سیله ابن حجر ی رد ایلماشدر .

خلاصه کلام شارع حضر تلری دائماً عموم ناسک بیله جکی طریقار